

觀堂集林

圖書集成

觀堂集林卷第十五

史林七

海甯王國維

商三句兵跋

商句兵三出保定清苑之南鄉今歸上虞羅叔言參事
其一銘曰大祖日己祖日丁祖日乙祖日庚祖日丁祖
日己祖日己其二曰祖日乙大父日癸大父日癸中父
日癸父日癸父日辛父日己其三曰大兄日乙兄日戊
兄日壬兄日癸兄日癸兄日丙凡紀祖名八父名六兄
名六三器之文蟬媯相承蓋一時所鑄曩見吳縣吳憲
齋中丞所藏一戈有乙癸丁三字不得其解以此三器
例之蓋亦祖父之名矣所云大祖大父大兄皆謂祖父
兄行之最長者大父卽禮喪服經及爾雅釋親之世父
古世大同字如世子稱大子世室稱大室則世父當稱

大父非後世所謂王父也其器出清苑當爲殷時北方侯國之器而其先君皆以日爲名又三世兄弟之名先後駢列皆用殷制蓋商之文化時已沾漑北土矣嘗讀山海經紀王亥有易事恆以爲無稽之說及讀殷人卜辭見有王亥王恆諸名乃知楚辭天問中該秉季德一節實紀殷之先祖王亥王恆及上甲微三世之事與山經竹書相表裏二書言王亥託於有易天問作有狄古者易狄同字有狄卽有易蓋商自侯冥治河已徙居河北遠至易水左右逮盤庚遷殷又從先王故居則今保定有殷人遺器固不足怪往者嘉興沈乙庵先生語余箕子之封朝鮮事非絕無淵源頗疑商人於古營州之域夙有根據故周人因而封之及示以此器拓本先生又謂北史及隋書高麗傳之大兄或猶殷之遺語乎此

說雖未能證實然讀史者不可無此達識也因附記之
北伯鼎跋

彝器中多北伯北子器不知出於何所光緒庚寅直隸
涑水縣張家窪又出北伯器數種余所見拓本有鼎一
卣一鼎文云北伯作鼎卣文云北伯攷作寶尊彝北蓋
古之邶國也自來說邶國者雖以爲在殷之北然皆於
朝歌左右求之今則殷之故虛得於洹水大且大父大
兄三戈出於清苑則邶之故地自不得不更於其北求
之余謂邶卽燕邶卽魯也邶之爲燕可以北伯諸器出
土之地證之邶旣遠在殷北則邶亦不當求諸殷之境
內余謂邶與奄聲相近書雜誥無若火始燄燄漢書梅
福傳引作毋若火始庸庸左文十八年傳閻職史記齊
太公世家說苑復恩篇均作庸職奄之爲邶猶燄閻之

爲庸矣奄地在魯左襄二十五年傳魯地有弇中漢初
古文禮經出於魯淹中皆其證也邶鄘去殷雖稍遠然
皆殷之故地大荒東經言王亥託于有易而泰山之下
亦有相土之東都自殷未有天下時已入封域又尙書
疏及史記索隱皆引汲冢古文盤庚自奄遷于殷則奄
又嘗爲殷都故其後皆爲大國武庚之叛奄助之尤力
及成王克殷踐奄乃封康叔於衛封周公子伯禽於魯
封召公子於燕而太師採師之目尙仍其故名謂之邶
鄘然皆有目無詩季札觀魯樂爲之歌邶鄘衛時猶未
分爲三後人以衛詩獨多遂分隸之於邶鄘因於殷地
求邶鄘二國斯失之矣

散氏盤跋

此盤銘中多國名地名前人有爲之說者余以爲非知

此器出土之地則其中土地名無從臆說也顧此器出世已踰百年世絕無知其淵源者卽近出之散伯敦矢王尊亦然嗣讀克鼎銘則其中地名頗與此盤相涉如此盤云至于堆莫炭井邑田又云至于井邑克鼎則云錫女井家鬯田于□又云錫女井德鬯人又云錫女井人弄于景知此盤出土之地距克鼎出土之地必不遠而克鼎出較後器較鉅世當有知之者訪之十餘年莫能答庚申冬日華陽王君文燾言頃聞之陝人言克鼎出處在寶雞縣南之渭水南岸此地旣爲克之故虛則散氏故虛必距此不遠因知散氏者卽水經渭水注大散關大散嶺之散又銘中灋水卽渭水注中之扞水周道卽周道谷大沽者卽漾水注之故道水岡卽衙嶺山閒之高地也其諸地之總名銘中謂之炭首目下文云

用矢斃散氏邑乃卽散用田𦵏末結上文云正𦵏矢舍散田是𦵏乃諸地之大名其字向無確釋案吳縣潘氏所藏益公敦有𦵏字其文曰佳王九年九月甲寅王命益公征𦵏寇益公至告一月𦵏寇至見獻帛云云余謂𦵏字從目𦵏字從頁其意相同當是一字益公敦𦵏寇連言亦土地或種族之名與此盤之𦵏當是一地𦵏卽古文眉字篆文作𦵏從𦵏卽𦵏之變化𦵏亦眉之異文與𦵏同意古器眉壽字多作𦵏𦵏等形𦵏卽古𦵏字之省與眉聲陰陽對轉𦵏字卽以之爲聲然則𦵏𦵏亦同字𦵏者象形字𦵏者形聲字也古眉微二字又通用少牢饋食禮眉壽萬年古文眉爲微春秋左氏傳莊廿八年築鄆公穀二傳作築微由是觀之𦵏𦵏當卽周初之微人周書牧誓及庸蜀羌髳微盧彭濮人立政夷微盧

烝向不知微所在殆卽此盤之濠及益公敦之步寇也
其種族一部早移居於渭水之北故漢右扶風有郿縣
詩大雅申伯信邁王饒于郿則宗周時已有此地蓋因
此族得名然其本國固在南山當作此盤時已爲矢散
諸國所役屬矣又據此盤所紀地理觀之則矢在散東
并在矢散二國閒而少居其北矢分井地與散而克亦
得井田此時亦已無井國矣此器地理本無可考今由
克鼎出土之地推考之如此其餘諸小地當盡在數十
里閒古今異名寧從蓋闕矣

克鐘克鼎跋

觀克鐘克鼎出土之地并克鼎中錫土之事克之疆域
蓋遠矣克器出於寶雞縣南之渭水南岸殆克之所都
其地南鄰散氏蓋古之井地也然其他邑又遠在渭北

北至涇水殆盡有豳國故地鼎銘云錫女田于溥原此
卽公劉所瞻之溥原也鐘銘云王親命克適涇東至于
京師豳在涇側自豳至京師自應循涇水而下則涇水
之旁當有克都而其他都乃在渭南詩稱篤公劉于豳
斯館涉渭爲亂克之封地乃與古公劉同矣

鑄公簠跋

簠云鑄公作孟妊車母媵簠孟妊蓋鑄公之女故爲之
作媵器然則鑄妊姓之國也樂記武王克殷封黃帝之
後於祝鄭注云祝或爲鑄呂氏春秋慎大覽亦云封黃
帝之後於鑄古鑄祝同字晉語黃帝之子二十五宗其
得姓者十四人爲十二姓任居其一鑄爲任姓其爲黃
帝後之祝信矣古祝音又與州同春秋左氏及公羊傳
之州吁穀梁傳作祝吁說文解字弼从叩从州聲讀若

祝是鑄公卽祝公亦卽州公矣春秋桓五年州公如曹左氏傳作涪于公蓋州故都涪于後涪于入於杞州乃西遷左氏傳襄二十三年臧宣叔取于鑄杜注鑄國今濟北蛇邱縣續漢書郡國志濟北國蛇邱縣有鑄鄉城蓋其後遷之地此器出於齊東或猶是都涪于時所鑄歟

夜雨楚公鐘跋

夜雨楚公鐘宋趙德父金石錄及王復齋鐘鼎款識冊己著錄乙卯冬見於滬肆爲上虞羅參事所得作鐘者爲楚公苧瑞安孫仲頌比部以爲卽史記楚世家之熊罥罥本从苧二字形聲皆相近其說不可易矣此器趙氏金石錄謂出鄂州嘉魚縣復齋款識引石公弼云政和三年武昌太平湖所進武昌嘉魚南境相接蓋出二

縣間矣案楚世家言熊繹居丹陽至文王熊貲始都郢
 中間無遷都事惟言周夷王時熊渠甚得江漢間民和
 乃興兵伐庸楊粵至於鄂乃立其長子毋康為句亶王
 中子紅為鄂王少子執疵為越章王皆在江上楚蠻之
 地熊渠卒子熊摯紅立後六世至熊罾今熊罾之器出
 於武昌者武昌即鄂蓋熊渠之卒熊摯紅即中紅雖嗣父
 位仍居所封之鄂不居丹陽越六世至熊罾猶居於此
 故有其遺器楚之中葉曾居武昌於史無聞惟賴是器
 所出地知之耳

郢鐘跋

郢鐘銘曰余畢公之孫郢伯之子前人多釋郢
 為莒然郢鍾十二枚均出山西滎河縣漢后土祠旁河
 岸中非莒器明甚余謂郢即春秋左氏傳晉呂甥之呂

也呂甥一云瑕呂飴甥一云陰飴甥瑕呂陰皆晉邑呂甥既亡地爲魏氏所有此邵伯邵參皆魏氏也史記魏世家晉文公命魏武子治於魏生悼子悼子徙治霍生魏絳司馬貞索隱引世本居篇亦云魏武子治魏悼子徙霍魏於漢爲河東郡河北縣霍於後漢爲河東永安縣劉昭續漢書郡國志永安縣下注引博物記曰有呂鄉呂甥邑也元和郡縣志河東道晉州霍邑縣下云呂坂在縣東南十里有呂鄉晉大夫呂甥之邑也唐武德中置呂州取名於此是霍與呂相距至近悼子徙霍或治於呂故遂以呂爲氏魏錡稱呂錡錡子魏相亦稱呂相亦稱呂宣子皆其證也世本王侯大夫篇奪悼子一代史記亦不載悼子之名余謂呂錡卽悼子服杜注左氏以錡爲魏犢子杜氏又以絳爲錡子史記則云武

子生悼子悼子生絳二說正同雖武子之子尚有魏顓

然錡於鄢陵之役射楚王中目退而戰死尤與悼之謚

合也魏氏出於畢公此器云畢公之孫邵伯之子其為

呂錡後人所作彰彰明矣顧呂在永安即今霍州此器出榮

河者蓋春秋時魏氏采地實奄有河東之半自河北春秋

前魏國故地以北永安以南安邑以西西訖於河皆魏地也

故魏壽餘偽以魏入秦而魏顓亦敗秦師於輔氏今榮

河為漢之汾陰縣地介永安與河北之間魏氏之器出

於此固其所也銘中畢公舊釋戴公或釋翼公然其字

作鼎與畢仲敦之畢精伯敦之畢正同其从卅者殷虛

卜辭畢字或从又作畢殷虛書契前編卷五第十四葉从卅與从又同

意說文轟轟二字皆从卅知革可作轟矣以人地二名互證則邵為呂錡之呂無疑

今滎河縣古蓋有呂名呂氏春秋淮南均言古者龍門未開呂梁未發河出孟門大溢逆流高誘二書注均謂呂梁在彭城呂縣酈氏水經注又以離石之呂梁當之胡氏禹貢錐指則曰呂梁卽禹貢之梁山龍門之南山也尸子呂氏春秋淮南皆先言龍門次言呂梁其爲夏陽之梁山無疑案夏陽梁山正與今滎河縣隔河相望蓋魏氏初治霍州之呂故稱呂氏後徙汾陰仍號汾陰爲呂如晉遷新田仍號爲絳也汾陰夏陽閒本古河津因謂之呂梁其地適有梁山於是梁山亦蒙呂梁之名矣

秦新鄭虎符跋

新鄭虎符文四行錯金書云甲兵之符右在王左在新鄭凡興士被甲用兵五十人以上必會王符乃敢行之

燔燧事雖無會符行殿羅叔言參事得其影本臨以寄
余其文甲作甲兵作兵在作十與秦陽陵符同凡作日
與散氏盤同敢作設也作設與詛楚文同餘字皆同小
篆余謂此秦符也新鄴本魏地魏策蘇秦說魏王大王
之國南有許鄆昆陽邵陵舞陽新鄴至安釐王時尚爲
魏有魏史記魏世家安釐王十一年秦昭王四秦拔我
鄆丘應劭以爲卽新鄴然鄆丘秦本紀作邢丘六國表
作廩丘秦本紀言是年攻魏取邢丘懷邢丘與懷二地
相接自當以邢丘爲長其後公子無忌說魏王云秦葉
陽昆陽與舞陽鄰是彼時葉陽昆陽屬秦舞陽屬魏新
鄆在舞陽之東其中間又隔以楚之陳邑時楚正都陳
秦不能越魏楚地而東取新鄆明矣至昭王五十四年
楚徙鉅陽始皇五年又徙壽春新鄆入秦當在此前後

然則此符當爲秦并天下前二三十年間物也

秦陽陵虎符跋

陽陵銅虎符藏上虞羅氏長漢建初尺四寸許左右二符膠固爲一金錯篆書文各十二曰甲兵之符右在皇帝左在陽陵實秦虎符也案漢書景帝紀葬陽陵地理志左馮翊陽陵縣故弋陽景帝更名或據此以爲漢景武以後之物然與漢符不合者有五一史記及漢書文帝紀二年九月初與郡國守相爲銅虎符竹使符今傳世漢虎符其文皆云與某郡守或大爲虎符與此符文絕不同又陽陵乃縣名非郡國名無與爲虎符之理此與漢制不合者一也漢符之數應劭云銅虎符第一至第五今傳世漢符助下皆有某郡左幾某國右幾字皆記數字此符無之與漢制不合者二也漢符傳世者其